



4. oktober 2007

Inatsisartut ingerlatsinermut inatsisaanni § 36 malillugu imaattumik Naalackersuisunut apeqquutissaqarpunga:

Naalackersuisunut apeqquut KNR´p 1.januar 2006-imiit 31. december 2008-mut Anguniagaqaqarnissamut isumaqatigiisummik KNR´p Naalackersuisullu akornanni KNR´p isiginnaagassaqaqtitsisnermini kiffartuussinermut pisussaaffiinik atorunnaarsitsineq pillugu. (Inatsisartunut ilaasortaq Lene Knüppel, Demokraatit”)

”Anguniagaqaqarnissamut isumaqatigiisut 1.januar 2006-imiit 31.december 2008-mut KNR´p Naalackersuisullu akornanni KNR´p atuisunik kiffartuussinermi pisussaaffiini” ilaatigut pkt. 16-imi allassimavqoq: Anguniagaqarluni isumaqatigiisutip atuuffissaata sivisussusissaani ima allassimavoq:

”Angusaqarniarluni isumaqatigiisut una atuuppoq 1.januar 2006-imiit 31.december 2008-mut. Isumaqatigiisummi allannguutissat akuerineqarsinnaapput qaammatit arfinillit periarfissiisutigalugit KNR´p Kultureqarnermullu Naalackersuisupisumaqatigiisutigippassuk, anguniagaqarlunilu isumaqatigiisutip atuuffiata nalaani aningaasaliissutit annertuumik allannguuteqassagaluarpata, tassunga atasumik teknikkikkut atortorissaarutit taarserneqarpata.”

Tamanna tunulequtaralugu Demokraatit tupigusuutigaat, KNR tusagassiutitigut 1.oktober 2007 nalunaaruteqarmat, anguniagaqarluni isumaqatigiisut atorunnaarsinneqartoq. Taama iliuuseqarnissaq anguniagaqarluni isumaqatigiisummi periarfissaqartinneqanngilaq.

Tusagassiutitigut nalunaarummini KNR aamma ima allappoq:

”Naatsorsuutigineqarpoq nutaamik isumaqatigiissusiornissaq isumaqatigiinniarnissaq ukiaanerani ingerlanneqarumaartoq, taamaaliornikkut allannguutissaq 1.januar 2008 atuutilersinnaaqullugu.”

Uani erseqqissartariaqarpoq, anguniagaqarluni isumaqatigiisummi allanngortitsisoqassappat qaammatit arfinillit sioqqutsisumik ingerlanneqartussaammat. Taamaattumik allannguutit 1.januar 2008 atuutilersinnaanngillat, KNR´p kissaatigisaatut.

Taamatutaaq Demokraatit annilaarnartoqartippaat, KNR´p siulersuisuisa pisortaqaqarfialu teknikkikkut atortorissaarutininik nutaanik pisariaqaqtitsinissaq angusaqarniarluni isumaqatigiissusiap atsirneqarnerani takusinnaasimannngimmassuk. Takussutissaavoq akisussaassuseqarnermi amigaateqartoq, KNR´llu siunissami ingerlanissaanut toqqissisimanarani.

Qulaani taaneqartut tunngavigalugit Demokraatit Naalackersuisut qinnuiginiarpaat apeqquutit ataaniittut akissuteqarfigeqqullugit:

1. Qanoq Naalackersuisut KNR´p anguniagaqarnissamik isumaqatigiisumik atorunnaarsitsinera iliorfiginiarpaat?



2. Naalackersuisut isumaqarpat, anguniagaqarnissamik isumaqatigiissutip atorunnaarsinneqarnera KNR´p siunissami ingerlananeqarnissaanut toqqissisimanartuua?
3. Naalackersuisut qanoq isummerfigaat KNR´p isumaqarneranut nutaamik isumaqatigiissutissaq 1.januar 2008 atuutilernissaanut?
4. Naalackersuisut isumaqarpat, KNR´imi siulersuisut pisortallu akisussaassuseqarlutik iliorsimasut toqqissisimanarpalu KNR tenikkikkut atortorissaarutininut pisiniarnissamut akissaqartinngisaminut aningaasalersuiniassappat?
5. Naalackersuisut isumaqarpat, KNR-imi siulersuisut pisortallu akisussaassuseqarlutik toqqissinartumillu aningaasatigut pilersaaruisorsimasut, KNR-ip teknikkikkut atortorissaarutininut aningaasaliissuteqartoqarnissaa takorloorsinnaasimangippassuk?
6. Naalackersuisut isumaqarpat, KNR-ip angusaqarniarluni isumaqatigiissummik malinninnginnermut aakisussaatinneqarsinnaasoq?
 - a. Aappiusimappat; akisussaaffik sumut tutsinneqassava qanorlu kinguneqartinneqassava?
 - b. Naamiusimappat: sooq taamaassanngila?

Akissutissat tigujumaneqarput allakkat tiguneranniit kingusinnerpaamik ullut suliffiit qqulit qaangiunneranni.